



NAPA ilinniagartuutut praktikkertussarsiorpoq

Nunat Avannarliit Nunattalu akornanni ikaartarfiliornissamut sapiissuseqarpit?

NAPAmi ilinniagartuutut praktikkertutut sulisut eqeersimaartut, Kalaallit Nunaata aamma Nunat Avannarliit nunallu Baltikumimiittut akornanni kulturimik paarlaasseqatiinnermik suliaqartut suleqatigissavatit. Suleqatigiissutit sumiiffinni taasani tamani kulturimut tunngasunik suliaqarfiit, eqqumiitsuliortut ataasiakkat aamma ilisimatusartut allallu suleqatigalugit piviusunngortinneqartarput.

NAPAmi praktikkertutut suliniutinik piviusunngortitsiniarluni suleriaatsinik, piviusunngortitsinernik aamma kulturimik suliaqarnermi paasissutissiinermik nunallu tamalaat akornanni qanoq ililluni kulturimik paarlaasseqatigiittarneq pillugut sukumiisumik ilikkagaqarluarsinnaavutit.

Praktikkertup suliaasaanut ilaavoq suliffeqarfiup avammut tusagassiisarnernut atatillugu kulturimut tunngasunik pisoqartitsinissanik piareersaaneq piviusunngortitsinerlu, internetikkut attaveqaatitigut paasissutissiineq, oqaaseqatigiiliorneq, paasiniaaneq, tusagassiorfinnut attaveqarneq, ataatsimiinnernut ataatsimeersuarnernullu peqataaneq, kulturimut tunngasunik suliniutinik (event) piareersaaneq, piviusunngortitsineq inerisaanerlu.

Suliffeqarfiup ineriartorneranut praktikkertoq akisussaaffeqartorujussuussaaq, isummat namminerlu suliniutiginiakkat pingaaruteqassallutik.

Ilinniagartuutut kandidatinnigorniartuussaait uku arlaannik ilinniarlutit: Inunnik sullissineq (humanistisk), inuiaqatigiilerineq (samfundsvidenskab) imaluunniit nutaaliorneq (kreativ) tunngavigalugu ilinniarfiit, kisianni sumilluunniit allamik ilinniagaliusinnaavoq aamma.

Piginnaasassatit:

- Tuluttut aamma nunani avannarlerni oqaatsit ilaannik minnerpaamik ataatsimik oqalussinnaassaait allallaqqillutillu
- Nunani avannarlerni kulturimik nunanilu tamalaani kulturinik paarlaasseqatigiinnermik soqutigisaqartuussaait ilisimasaqarlutillu
- Sulininni namminersorsinnaasariaqarputit
- aaqquussillaqqissuussaait

Ukuningga misilittagaqassaait, piumasaqaataangilarli: Naatsunik paasiuminartumillu nittartakkatigut attaveqaqatigiittarfinni allassinnaassaait, qarasaasiaq atorlugu isikkorissunik paasissutissalorsinnaassaait (Photoshop), nittartagalerisinnaassaait (WordPress).

Praktikkertutut nunani avannarlerni innuuttaassuseqassaait nunanilu avannarlerni oqaatsit arlaat ilitsoqqussaralugu oqaaserissavatit.



Praktikkerneq akissarsiassartaqanngilaq, nalinginnaasumillu qaammatinik tallimanik sivisussuseqassalluni (1 semester).

Ilinniaarnermi atugassarititaasut praktikkerfinnut arlaatigut kalluaassappata, najugaq qimannagu ilinniarnissaq tapersersussavarput. Praktikkertoq nammineq inissaminik isumaginnissaaq, pisariaqassappalli kollegianut ilinniartullu najugaqaqatigiittarfiinut saaffiginnissinnaajumaarpugut.

Apeqqtissaqaruit avammut tusagassiinermut akisussaasoq Pipaluk Lind attaviguuk:
pipaluk@napa.gl

Qinnuteqaatit ukioq/upernaag 2018-imut tunngasut, CV aamma ilinniarsimanermut uppersaatit (peqaruit) **decembarip 15**-ianiutinnagu uunga nassiutissapput: Qinnuteqarsimasunik oqaloqateqarnerit sap.ak 51-imi pissapput – kingorna aalajangiinertalimmik.

Ukioq/upernaag 2018-imi inummut piumasaqaatinik naammassinnittumut sulii inissaateqarpugut.

Suliniutit NAPAmi kulturikkut sammisaqarfigitinneqarusuttut allattorsimaffiannut sorlermut qanorlu attuumassuteqarnerisooq nammineq nalilissavat. Sammisat pingaarnerit toqqagassat ukuupput:

1. Nunani Avannarlerni Inuusuttut

NAPAp tapersersorpai suleqataaffigalugillu suliniutit Nunani Avannarlerneersut Kalaallit Nunaanneersullu meerartaasa inuusuttaasalu eqqumiitsuliornermut kulturimullu tunngatillugu pilersitseqatigiiffii, suleqatigiiffii isummersoqatigiiffiilu.

2. Nunani Avannarlerni Kulturit Naapinnerat

NAPAp tapersersorpai suleqataaffigalugillu suliniutit Nunani Avannarlerneersut Kalaallit Nunaanneersullu immikkut kulturiinut tunngatillugu suleqatigiissutaasut attaveqalissutaasullu.

3. Nunani Avannarlerni Piujuartitsineq

NAPAp tapersersorpai suleqataaffigalugillu suliniutit Nunani Avannarlerneersut Kalaallit Nunaanneersullu tamat kulturimik tammatsaaleeqataanerannut tunngatillugu nittarsaassinerat tamanullu saqqummiinerat.

www.norden.org
www.napa.gl